

**SKUPŠTINA HERCEGOVAČKO  
NERETVANSKOG KANTONA**  
**83**

**Z A K O N**  
**O IZMJENAMA ZAKONA O POREZIMA**  
**HERCEGOVAČKO-NERETVANSKOG**  
**KANTONA**

**Član 1.**

U Zakonu o porezima Hercegovačko-neretvanskog kantona („Službene novine HNK“, broj: 6/98, 5/04, 5/05 i 2/06) u članu 3. tačka 9. briše se.

**Član 2.**

Članovi 74., 75., 76. i 77. briše se.

**Član 3.**

U članu 78. stav 1. mijenja se i glasi:

„Obveznici poreza, osim obveznika poreza koji porez na dobit plaćaju u postotku, obveznika poreza od poljoprivredne djelatnosti, dužni su nadležnoj poreznoj ispostavi podnijeti prijavu sa podacima potrebnim za utvrđivanje visine poreza.“

**Član 4.**

Član 85. briše se.

**Član 5.**

U članu 91. stav 5. briše se.

**Član 6.**

Član 108. briše se.

**Član 7.**

U članu 158. stav 1. tačke 4. i 9. briše se.

**Član 8.**

U članu 160. u tački 4. u trećem redu broj „85“ briše se.

**Član 9.**

Član 163. briše se.

**Član 10.**

Ovaj Zakon stupa na snagu danom objavljivanja u „Službenim novinama Hercegovačko-neretvanskog kantona“.

Bosna i Hercegovina  
Federacija Bosne i Hercegovine  
HERCEGOVAČKO-NERETVANSKI KANTON  
S K U P Š T I N A

Broj: 02-01-IV-197/06  
Mostar, 29. maja 2007. godine

Po ovlaštenju Skupštine  
Predsjedavajući/zamjenik predsjedavajućeg  
Ramiz Jelovac, s.r.

**84**

**Z A K O N**  
**O IZMJENAMA I DOPUNAMA ZAKONA**  
**O KANTONALnim MINISTARSTVIMA**  
**I DRUGIM ORGANIMA KANTONALNE**  
**UPRAVE**

**Član 1.**

U Zakonu o izmjenama i dopunama Zakona o kantonalnim ministarstvima i drugim organima kantonalne uprave („Službene novine HNK“, broj: 1/02) član 1. mijenja se i glasi:

„Kantonalna ministarstva su:

- a) Ministarstvo unutrašnjih poslova,
- b) Ministarstvo pravosuđa, uprave i lokalne samouprave,
- c) Ministarstvo finansija,
- d) Ministarstvo obrazovanja, nauke, kulture i sporta,
- e) Ministarstvo zdravstva, rada i socijalne zaštite,
- f) Ministarstvo trgovine, turizma i zaštite okoliša,
- g) Ministarstvo saobraćaja i veza,
- h) Ministarstvo privrede,
- i) Ministarstvo poljoprivrede, šumarstva i vodopoprivrede,
- j) Ministarstvo građenja i prostornog uređenja,
- k) Ministarstvo za pitanja boraca.“

**Član 2.**

Novoosnovano Ministarstvo trgovine, turizma i zaštite okoliša preuzima poslove trgovine i turizma iz nadležnosti dosadašnjeg Ministarstva privrede, preduzetništva i poljoprivrede i poslove zaštite okoliša iz Ministarstva građenja, prostornog uređenja i zaštite okoliša.

**Član 3.**

Novoosnovano Ministarstvo poljoprivrede, šumarstva i vodoprivrede, preuzima poslove poljoprivrede, šumarstva i vodoprivrede iz nadležnosti dosadašnjeg Ministarstva privrede, preduzetništva i poljoprivrede.

**Član 4.**

Novoosnovano Ministarstvo za pitanja boraca preuzima sve poslove dosadašnje Uprave za pitanja boraca, koja se ovim Zakonom ukida.

**Član 5.**

Ministarstvo trgovine, turizma i zaštite okoliša obavlja upravne i druge stručne poslove koji se odnose na:

- a) unutrašnju trgovinu u Kantonu i ekonomске odnose sa drugim kantonima,
- b) balansiranje i praćenje snabdjevenosti Kantona,
- c) praćenje i analiziranje roba na području Kantona,
- d) učešće u kreiranju politike uvoza i izvoza u cilju zaštite proizvodnje unutar Kantona (odobravanje uvoznih i izvoznih kontingenata za određene proizvode u koordinaciji sa Federalnim ministarstvom trgovine),
- e) kontrola cijena i usluga proizvoda u skladu sa zakonom,
- f) trgovinsku politiku i politiku zaštite domaće proizvodnje,
- g) kreiranje i provođenje politike kantonalnog turizma u cilju stvaranja i razvoja turističkih resursa,
- h) kreiranje politike i razvoja rekreativnih, rehabilitacionih i drugih centara,
- i) donošenje odluke o visini turističke takse,
- j) turističko-propagandna djelatnost,
- k) ugostiteljstvo i preduzetništvo,
- l) ulaganje stranih lica u domaće firme iz oblasti turizma u skladu sa zakonom,
- m) zaštita okoliša i zaštita prirode,

- n) stručne i druge poslove u vezi sa pribavljanjem, upravljanjem i korištenjem namjenskih finansijskih sredstava iz fonda za zaštitu okoliša Federacije,
- o) finansiranje i sufinansiranje objekata iz nadležnosti Ministarstva,
- p) sudjelovanje u izradi projekata zaštite prirode u skladu sa zakonom,
- q) izrada nacrta zakona i drugih propisa iz svoje nadležnosti,
- r) upravno rješavanje iz svoje nadležnosti,
- s) i drugi poslovi koji mu se zakonom stave u obavezu ili nadležnost.

**Član 6.**

**Ministarstvo privrede** obavlja upravne i druge stručne poslove koji se odnose na:

- a) industriju i rudarstvo,
- b) geološka istraživanja i eksploraciju mineralnih sirovina,
- c) raspodjelu i distribuciju energenata,
- d) utvrđivanje bilansa proizvodnje ugljena i drugih industrijskih mineralnih sirovina,
- e) ustupanje i pribavljanje materijalnih prava na tehnologiju i industrijsko vlasništvo,
- f) praćenje proizvodnje i preduzimanje odgovarajućih mjera za njeno ostvarivanje i unaprjeđenje,
- g) organiziranje energetske djelatnosti,
- h) utvrđivanje i praćenje ostvarenja energetskog bilansa,
- i) raspodjela i distribucija energije,
- j) izgradnja, korištenje i održavanje energetskih objekata i postrojenja,
- k) sistemskopodsticanje preduzetništva (obrtništvo i zadruigarstvo),
- l) politiku zaštite domaće proizvodnje,
- m) privrednu saradnju sa inostranstvom,
- n) podsticanje izvoza i stranih ulaganja,
- o) izrada zakona i drugih propisa iz svoje nadležnosti,
- p) rješavanje u upravnem postupku iz svoje nadležnosti, te drugi poslovi koji joj se zakonom stave u nadležnost.

**Član 7.**

**Ministarstvo poljoprivrede, šumarstva i vodoprivrede** obavlja upravne i druge stručne poslove koji se odnose na:

- a) poljoprivrednu,
- b) ribarstvo,
- c) poljoprivredno zemljište (uređivanje pravnih odnosa na poljoprivrednom zemljištu u vlasništvu Kantona, osim imovinsko-pravnih poslova),
- d) provedbu mjera podsticajne politike u poljoprivredi,
- e) proizvodnja i otkup duhana,
- f) poljoprivredna savjetodavna služba (stručna pomoć poljoprivrednicima i niz drugih usluga potrebnih za organizovanje uspješne poljoprivredne proizvodnje, organizovanje i provođenje stručnih predavanja i demonstracija, provođenje pokusa, specijalistički poslovi u kancelariji i na terenu),
- g) zaštita i priznavanje sorti poljoprivrednog bilja,
- h) primjena i promet sredstava za zaštitu bilja u poljoprivredi,
- i) proizvodnja i promet sjemena i drugog sadnog materijala,
- j) proizvodnja i promet vina i drugih proizvoda od vina i grožđa,
- k) unaprjeđenje stočarstva,
- l) veterinarstvo,
- m) veterinarsko javno zdravstvo,
- n) veterinarsko-zdravstvena preventiva, pregled nadzor i kontrola u prometu i proizvodnji,
- o) promet lijekova koji se upotrebljavaju u veterinarstvu,
- p) korištenje prirodnih bogatstava,
- q) izrada i praćenje istraživačkih projekata iz svih oblasti,
- r) poslovi privatizacije u skladu sa zakonom,
- s) sudjelovanje u utvrđivanju globalne strategije razvoja Kantona,
- t) izrada stručnih analiza i izvještaja,
- u) priprema nacrta zakona i drugih propisa iz svoje nadležnosti,
- v) obavljanje i drugih poslova iz svoje nadležnosti u skladu sa zakonom.

**U sastavu Ministarstva su:**

- a) Uprava za vode;
- b) Uprava za šumarstvo;
- c) Zavod za zemljište;
- d) Zavod za poljoprivrednu savjetodavnu službu i zaštitu bilja.

**a) Uprava za vode**

Uprava za vode obavlja upravne, stručne i druge poslove utvrđene zakonom, a koji se odnose na:

- a) režim voda,
- b) planiranje razvoja vodoprivrede i sudjelovanje u izradi vodoprivredne osnove,
- c) zaštitu voda i vodotoka od zagađivanja, upotrebu i korištenje voda,
- d) zaštitu od štetnog djelovanja voda, kvalitetu voda i vodoopskrbu,
- e) hidromelioraciju,
- f) izdavanje vodoprivrednih uslova, saglasnosti, dozvola i naloga za objekte i radove koji utiču na režim voda,
- g) organizovanje, unaprjeđenje, izradu i praćenje istraživačkih projekata u ovoj oblasti,
- h) pripremu propisa iz oblasti vodoprivrede,
- i) provođenje postupka davanja koncesija iz oblasti vodoprivrede,
- j) obavlja i druge poslove u skladu sa zakonom.

**b) Uprava za šumarstvo**

Uprava za šumarstvo obavlja upravne, stručne i druge poslove utvrđene zakonom, a koji se odnose na:

- a) unapređenje proizvodnje u šumarstvu,
- b) stanje drvnog fonda, uzgoj i zaštita šuma, iskorištavanje šuma,
- c) pošumljavanje degradiranih i prorijeđenih šuma, goleti i krša,
- d) proizvodnja i promet šumskog sjemena i sadnog materijala,
- e) rekonstruisanje i izgradnju šumskih prometnica, lov i lovna privreda, sporedni šumske proizvodi (proizvodnja i promet ljekovitog bilja, gljiva, puževa i šumskih plodova i dr.),
- f) organizovanje, unaprjeđenje, izrada i praćenje istraživačkih projekata u ovoj oblasti,
- g) pripremu propisa iz oblasti šumarstva,
- h) provođenje postupaka davanja koncesija iz oblasti šumarstva,
- i) obavljanje i drugih poslova u skladu sa zakonom.

**c) Zavod za zemljište**

Zavod za zemljište obavlja upravne i druge stručne poslove i to:

- a) osigurava izvršavanje zakona, propisa i drugih akata,

- b) prikuplja i obrađuje podatke o stanju zemljišta u poljoprivredi i šumarstvu,
- c) radi na izradi i inoviranju pedološke karte Kantona,
- d) prikupljanje i korištenje potrebnih meteoroloških podataka za praćenje štetnih pojava (poplave, klizišta, odroni i sl.),
- e) prati i prikuplja podatke o načinu korištenja poljoprivrednih i šumskih zemljišta,
- f) vrši snimanje zemljišta sa ciljem utvrđivanje boniteta istih, osigurava izradu programa zaštite zemljišta za njegovo korištenje u nenamjenske svrhe.

**d) Zavod za poljoprivrednu savjetodavnu službu i zaštitu bilja**

Zavod za poljoprivrednu savjetodavnu službu i zaštitu bilja u poljoprivredi i šumarstvu obavlja upravne i druge stručne poslove i to:

- a) daje prijedloge za rješavanje pitanja zaštite bilja,
- b) prikuplja i obrađuje podatke o zdravstvenom stanju biljaka u poljoprivredi i šumarstvu,
- c) prati pojavu ekonomski značajnih bolesti i štetnika posebno karantinskih bolesti i štetnika,
- d) osigurava prikupljanje i korištenje potrebitih meteoroloških podataka za praćenje pojava karantinskih bolesti i štetnika,
- e) prati i prikuplja podatke o pojavi rasprostranjenosti biljnih štetočina,
- f) određuje rokove i način suzbijanja i sprječavanja bolesti i štetočina bilja,
- g) osigurava izradu programa zaštite zemljišta i bilja u poljoprivredi i šumarstvu,
- h) izrađuje stručne analize i izvještaje,
- i) sudjeluje u međunarodnoj stručnoj saradnji,
- j) pruža pomoć općinskim službama za zaštitu zemljišta i bilja,
- k) daje stručna mišljenja, objašnjenja i uputstva,
- l) organizuje stručne sastanke,
- m) obavlja i druge poslove u skladu sa zakonom.

**Član 8.**

**Ministarstvo za pitanja boraca** obavlja upravne i druge stručne poslove koji se odnose na:

- a) utvrđivanje socijalno-statusnih pitanja vojnih invalida, porodica poginulih boraca i nezaposlenih boraca i boraca drugih

- oslobodilačkih ratova i sudionika oslobodilačkih pokreta i zaštitu ratnih mirnodopskih vojnih invalida,
- b) zaštitu članova porodica poginulih, nestalih i umrlih vojnih invalida,
- c) upravni i finansijski nadzor izvršavanja zakona i drugih propisa iz oblasti zaštite boraca i invalida u skladu sa Ustavom i zakonom,
- d) rukovođenje organizacijskim jedinicama u općinama,
- e) daje mišljenje na propise koje pripremaju drugi organi, a odnose se na socijalno-statusna prava ovih kategorija,
- f) izgradnju, uređenje i održavanje spomen obilježja, groblja boraca i stratišta nevinih žrtava,
- g) vodenje propisanih evidencija iz nadležnosti ovog Ministarstva,
- h) koordiniranje rada sa općinskim organima uprave nadležnim za pitanja iz oblasti zaštite boraca i invalida, kao i sa Federalnim ministarstvom za pitanja boraca, a sve u skladu sa primjenom pozitivnih zakonskih propisa i potreba porodica poginulih boraca i ratnih vojnih invalida,
- i) kontinuirano sagledavanje i praćenje pravnog osnova socijalnog osiguranja korisnika zaštite boraca i invalida,
- j) iniciranje donošenja propisa kojima se na jedinstven način regulišu prava iz oblasti zaštite boraca i invalida, te način i mјere ostvarivanja istih,
- k) poslovi i zadaci vezani za vođenje drugostepenog postupka u vezi osnovnih prava korisnika zaštite boraca i invalida,
- l) rješavanje po zahtjevima iznesenim u formi predstavki i putem ličnog obraćanja stranaka, kao i udruženja boraca i organizacija od općinskih do kantonalnih nivoa,
- m) aktivnosti vezane za osiguranje zdravstvene zaštite, prevoza na liječenje i rehabilitacije populacije boraca, te briga o nabavkama sredstava protetike,
- n) poslovi i zadaci vezani za realizaciju integralnog informativnog sistema,
- o) priprema i obavljanje poslova vezanih za ocjenu radne sposobnosti i tjelesnog oštećenja pripadnika vojske Federacije BiH u 1. i 2. stepenu u saradnji sa Institutom za procjenu radne sposobnosti,

- p) izrada nacrta, zakona i drugih propisa iz svoje nadležnosti,
- q) obavlja i druge poslove koji su mu stavljeni u nadležnost u skladu sa zakonom.

### **Član 9.**

U članu 17. Zakona o ministarstvima i drugim organima kantonalne uprave, iz nadležnosti Ministarstva građenja, prostornog uređenja i zaštite okoliša, briše se tačka 9.

### **Član 10.**

Ministarstvo građenja i prostornog uređenja preuzima sve poslove dosadašnjeg Ministarstva građenja, prostornog uređenja i zaštite okoliša iz člana 17. Zakona o ministarstvima i drugim organima kantonalne uprave izuzev tačke 9. koji su preneseni u nadležnost novoosnovanog Ministarstva trgovine, turizma i zaštite okoliša.

### **Član 11.**

Postojeća kantonalna ministarstva i novoosnovana kantonalna ministarstva čija je nadležnost utvrđena odnosno izmijenjena ovim Zakonom, dužna su u roku od 90 dana od dana stupanja na snagu ovog Zakona, donijeti pravilnike o unutrašnjoj organizaciji, načinu rada i sistematizaciji radnih mjesta, uskladene sa nadležnostima utvrđenim ovim Zakonom, te preuzeti zaposlene koji će prema novoj organizaciji odnosno nadležnosti kantonalnih ministarstava obavljati poslove koji pripadaju tim ministarstvima.

### **Član 12.**

Ovaj Zakon stupa na snagu danom objave u "Službenim novinama Hercegovačko-neretvanskog kantona".

Bosna i Hercegovina  
Federacija Bosne i Hercegovine  
**HERCEGOVACKO-NERETVANSKI KANTON**  
**S K U P Š T I N A**

Broj: 02-01-IV-095/07  
Mostar, 29. maja 2007. godine

Po ovlaštenju Skupštine  
Predsjedavajući/zamjenik predsjedavajućeg  
Ramiz Jelovac,s.r.

## **85**

Na osnovu člana 39. Ustava Hercegovačko-neretvanskog kantona («Službene novine Hercegovačko-neretvanskog kantona», broj 2/98) i člana 32. Poslovnika Skupštine Hercegovačko-neretvanskog kantona («Službene novine Hercegovačko-neretvanskog kantona», broj 2/05), na sjednici održanoj dana 29. maja 2007. godine, donijela je

## **O D L U K U**

### **O IZBORU PREDSJEDNIKA, ZAMJENIKA PREDSJEDNIKA I ČLANOVA RADNIH TIJELA SKUPŠTINE HERCEGOVACKO-NERETVANSKOG KANTONA**

#### **Član 1.**

Za predsjednika, zamjenika predsjednika i članove radnih tijela Skupštine Hercegovačko-neretvanskog kantona izabrani su:

1. **KOMISIJA ZA USTAV**  
iz reda poslanika izabrani su:  
za predsjednika - Omer Čevra  
za zamjenika predsjednika - Ljubo Zovko  
za članove - Dževad Hadžihusejnović  
- Tomislav Martinović  
iz reda stručnjaka izabrani su:  
- Senad Hasanagić  
- Petar Kovačević
2. **KOMISIJA ZA ZAKONODAVNO-PRAVNA PITANJA**  
iz reda poslanika izabrani su:  
za predsjednika - Ljubo Zovko  
za zamjenika predsjednika - Ramiz Jelovac  
za članove - Snežana Milavić  
- Mladen Bošković  
iz reda stručnjaka izabrani su  
- Mumin Isić  
- Željka Čule
3. **KOMISIJA ZA PRAĆENJE RADA MINISTARSTVA UNUTRAŠNJIH POSLOVA, LJUDSKA PRAVA I GRAĐANSKE SLOBODE**  
izabrani su:  
za predsjednika - Šefkija Džiho  
za zamjenika predsjednika - Albert Šunjić